



曝書亭集

928
バ
2

曝書亭集卷第一

秀水 朱彝尊 錫鬯

賦

謁孔林賦

粵以屠維作噩之年我來自東至於仙源斯時也壇杏花繁
庭檜甲坼元和之犧象畢陳闕里之榛蕪盡闢既釋菜於廟
堂旋探書於屋壁乃有百石卒史導我周行牽車魯城之北
緜馬洙水之陽即大庭之遺庫循端木之故場驕孫祔子居
前聖子箴兮在左自黃玉之封緘闕幽宮而密鎖隕長鯨兮
不驚懾祖龍子遠禍除荆棘之叢生罕翔禽之飛墮雨露既
濡遲景東隅整衣裳之肅肅正顏色之愉愉展謁方終誕尋
往蹟超白兔之深溝撫青羊之卧石爰有草也苞著其名守

之以龜一本百莖我求其德洵圓且靈爰有木也題之以楷
非柏非樅靡瘦靡龐歷千禩而長新貫四時而不改惟先師
之遺澤道莫著乎六經配光華于日月若迭奏之琴箏降而
後儒各事采獲中文古文之書先天後天之易目鄭衛以淫
邪誣春秋以深刻藐淫哲之嘉謨恒末師之是則滔滔天下
後死其悲安得起素王於泉壤操筆削而正之我思古人恥
同汚俗或六聘而收身或三詔而逃祿或依李充之山或就
張超之谷潛戶壁于服虔變姓名于梅福入源水子栽桃隱
丹霞子種竹詎如此地桑海不遷可游可息有歌有絃耳不
聞僧尼之魚板目不覩旗鼓之樓船樂土樂土速營一廛願
爲林戶躬耕墓田庶幾近聖人之居讀聖人之書將不得爲
聖人之徒也與

春蒐賦

皇帝御宇十有八年握金鏡運玉璇超百王之聖域漱六藝
之神淵德無遠而勿屈聲有濯而彌宣舞兩階之千羽靖萬
里之戈鋌雨洗炎洲之瘴波澄閩海之煙聿將秩祀衡岳展
定巴滇猶克嚴夫武事洵無逸而有虔乃

命僕臣乃

名司馬選烝徒以大蒐諏吉日於小雅晉鼓則百二咸陳虞
旌則東西來下車鏤象以編爛駟飛黃而白赭風清紫陌之
塵天闊黃圖之野於是乎駕六駮從百官建九旂總三單經
長楊陟上蘭遵路直從橋安歷平原之膺膺瞻秀木之丸丸
雲霏霏于五色山磊磊于層巒斯時也穀雨新晴暮春之序
劔乍捧乎金人觴甫浮於鶴羽亞繁杏子山郵舒崇桃於野

圃藥苗則的的依闌菖葉則青青被渚粉颺鳳子之衣綠潤
桐孫之乳雉角角子晨飛烏啞啞子晚翥兔趨趨子淺草之
叢鹿呦呦子平林之塢爾乃刷霧鬣騰風髮擊鷲鳥搏毅蟲
落驚雌駭高雄輕裘子不御暄景子方融釋其一面之網射
以九和之弓三驅子四牡一發子五縱於焉斂綏章徹表豹
張幔城羅藻帟息蔭乎高林容與乎秀澤數獸計鮮犒勤讚
獲大庖不盈

乾心有懌用訓儉而昭仁豈丘宗而山積調六膳而作甘飲
三漿其如液則有飛龍之舸鳴鶴之舟梁排雁齒水漲鴨頭
和迴波之妙曲詠在藻於中流沙停振鷺權起眠鷗白魚湧
躍黃鵠翔留勝昆明之習戰與華林之沂遊於是川后效珍
河宗輸寶山出醴泉地生朱草鐫十鼓於岐陽列三山於蓬

島

天子師湯文之裕民法軒轅之訪道省四野之耕農問百年
之耆老照華薄以春曦浹恩膏於靈沼爭擊壤子康衢永銷
兵兮海表在昔成王繼序四征弗庭既巡侯甸萬國咸寧暨
漢文帝邊宇肅清猶選良家於六郡躬戎服而治兵稽春蒐
之盛禮允治世之大經豈其實客是燕乾豆是營惟居安而
必慮斯坐致夫太平敢擬廣成之頌用垂休美之聲

太極圖賦

原夫黃牙欲發蒼精未垠一氣融結萬象胚渾馮馮翼翼烟
烟煜煜睢睢盱盱緜緜分分旣龐鴻之莫兆何聲臭之可聞
量則包夫清濁質斯合乎昭昏謂虛無而有象運妙有而無
鄰鴻靈幽紛泰貞蠢闢混成天地之先互藏陰陽之宅觀動

靜兮無端占迴游兮不隔譬水車之恒轉類果核之未圻爾
其理則貫一象實函三白麟之書莫吐赤雀之籙未銜名雖
傳乎十翼義尚晦乎周聃啓華山之妙蘊藉營道之幽探种
穆祕師授之說朱陸滋異同之談至希至微無偏無側一翕
一施半白半黑外若離玦中如含意萬物於焉化生五行之
所糾纏成能設位圖往鏡來化一氣甄三才天根啓月窟開
悟儒言於冥蹟允經學之倫魁乃知聖人能備全體先知可
詔後覺大道爲事物之母

天子有簡能之學用廣運而不窮信範圍之非邈願永繪於
丹宸方金鑑之在握

夜明木賦同澤州陳侍郎作
皇帝避暑於興州時維昭陽大淵獻之秋尋捺鉢之舊蹟啓

帳殿於仙陬六屯內肅千虛外周雲容容兮四合水泱泱兮
交流風颭颭兮徐來雨霏霏兮乍收爰有物焉星芒遙逗明
滅露螢之尾吐吞火雞之味調野燒而不延疑神燈而未轉
洒
命俞騎即而視之是爲苑木有柀無枝黜同桴炭澀若榴皮
如場之轉碌礪如絳之拽豐碑載以堅車駕之健犢入重關
度平谷選郢匠以運斤俾奄人以司局舍科上槁存堅多心
近

天顏兮咫尺位祕宇之崇深鑽不勞兮司燿燎無灼兮烘焜
等壁夜光類珠宵映方角枕而輝盈比風簾而神定四照儷
若木之華 六宮擬賓連之慶豈非

聖德之咸臨固無遠而弗鏡宜坤珍之畢效雖枯木朽株亦

疇德而瑞

聖

省方賦

歲在甲子曆應上元

聖化翔洽東汜西崑九州之外郡縣重譯而至橋門嘉穀駢穗濁河激源於時山祇望

幸臣庶上言請欽崇以郊岱或奉符而封巒

天子思省方以設教用求莫而監觀踐六十四民之遙迹省七十二后之彌文吉日既諏

德音斯布蠲六軍所過之租減四方惟正之賦推

湛恩於槐宸霈解澤於棘路神人交贊遐邇樂附願儲祉以慶成共希光而景鷲迺以九月辛卯農事備收七騶始駕百

工方休扈千宮於

行所勒五營於道陬既伯既禱爰豫爰遊承曲瑤之璇蓋建太常之辰旒導以金鉦瓊鉞駉以紫燕玉蚪鳴葭而雲韶並和駐罕而星廬外周黃圖三輔青壤千里濟南津以無波履平原其如砥則有單椒秀澤之山側坎飛輪之水橋號鵠華湖名蓮子踰歷下之舊城尋介丘之遺趾美哉左海山有岱宗閭啓仙人之石官存大夫之松天雞鳴而躍日

宸駕至而呼嵩徹稽席蒲車之制罷泥金檢玉之封於焉訪淮土之仙茅驗吳門之白馬渡河則神獻其實遵海而風不鳴瓦泛藻舟於中流息參旗於大野越南兗與南徐溯吳下而白下

帝有恩言宣示函夏眺勝國之蒿萊封蔣陵之松檟

德無施而不徧

恩未沾者蓋寡由是展軫素王之里致齋金絲之堂陳元和之犧象循闕里之宮牆懸車在廟遺硯在牀肅拜杏壇之上翔步檜庭之旁洵禮隆乎三古而事冠乎百王衡律既同秩祀有典振旅則邇考祥斯遠覽四瀆而經五州乍六旬而還

輦

兩宮交悅萬姓齊忭粵若稽古時致太平必命掌故登封告成或紀社首繹繹或禮云云亭亭石城石距之狀金匱玉匱之形祺安禪安之樂封壇覲壇之銘莫不雲連帳殿雷動山庭未有諮詢疾苦彰瘡濁清不警不蹕不震不驚凡高年之耆老尺口之童嬰婦子所集商旅所經咸得覲天顏於咫尺瞻仙仗於郊坰至若

天縱之能溢於筆墨月璧星珠寶鼎靈式鸞蹤鳳藻被物成飾轍唐帝之八分陋宋宗之飛白扁榜我我發舒心畫蔭之華穰勒之貞石誠與日月雲漢共昭垂於無極者也

湘湖賦

歲柔兆困敦子是月維陽辭鑑水之一曲兮言歸故鄉遵大路于蕭山兮猶勾踐之舊疆舍予舟于城闕兮別問渡于陂塘踐荒塗之幽辟兮山是越而湖湘圍列岫之周遭子匯一水于中央葍絲荇帶齊消歇子澄百頃之波光相茲湖之寥闊兮溯蒼蒼之葭葦漾輕舸而如所如子逾五里而十里鮮澤農之耕作兮但眾師之棲止雉角角以飛鳴子鷺媚媚而停峙瞻牛頭與苧蘿子信不遠而伊邇愛山川之清淑子斯生長夫西子洵明豔之絕倫子直夫差之一死以餘暨為諸

暨子驗往牒之非是眺越王之故爭子丁國步之迫遭會稽
不可保子稱臣妾而播遷游臨江而祖道子奏哀曲于烏鳶
迨返國而渡三津子惟八臣四友謀猷之後先既十年而生
聚子更教訓之十年簡俊士之四萬兮率君子之六千誕一
舉而治吳兮齊衣錦而師旋讎九世而當復兮豈身恥辱而
忘焉志既立而轉死爲霸兮胡後之人獨不然他山難久留
兮問西陵而前路夕既濟于錢唐兮尚踟躕而回顧徒弔古
而慨慷兮惜年歲之遲暮

水木明瑟園賦

并序

僕生平不耐作賦雖以賦通籍非稱意之作不存也康熙甲
申八月陸上舍貽書相要過上沙別業遂汎舟木瀆取道靈
巖以往抵其間則吳趨數子在焉愛其水木明瑟取以名園

上舍延賓治具飲饌豐潔主客醉飽留七日乃還念勝引之
難再也成賦一篇先民有言人各有能有不能賦非僕之所
能也辭曰

度十畝之地葺宅一區止有阡而可越渾分沙而不淤翦六
枳而捷藩因雙樹而闢閭嘉水木之明瑟愛徑畛之盤紆山
有穴而成岫土戴石而名岨巖兩判而得路萼四照兮盈株
園之主人則陸生稹也匪聲利是趨惟古訓是茹鼓枻而吟
帶經以鉏不隱不仕無礙無拘良辰既撰爰遣莊奴筆疏告
吾商飈乍肅赫暑早祛葵傾芳步柰秀華芙桂英粟綻阜莢
條麤苔縛厥帚鏤刈其蕪井汲綈綈牀轉轆轤靡塵不滌靡
穢不除可以譚讌可以歌飲夫子惠顧跂屨無虞於是竹垞
一叟誕發僧廬遵彼橫塘津逮岑隅風糖傘竹日漏衣袂亦

有同調數子素心相於水抽其帆陸梶其車不速而集語笑
軒渠離坐貫坐或跣或趺生也敕中廚封兩輪誠食饌之次
第傳方法于腰胸乃羹乃淪間以脯脍款則有蒲鮓則有菹
擘翠房之鮮酌剝紫芡之員珠旋棊改令覆斗傾盃倒季路
之十榼慕宣尼之百觚生起避席顏色敷愉稱困雖小聊可
以娛夫子賦之可歟否歟叟曰可哉吾思魯鈍母疾而徐於
焉閉關納履自晨及晡拂几案屏氍毹挹勺水注蟾蜍默聳
羸肩潛捋短鬚雖有千慮終成一愚譬諸奏事四足而非馬
書券三紙而無驢爾乃舍左思之席溷投鍾繇之筆拊循蘭
陔踐椒塗躡聽雨之樓梯登升月之窻逕流覽惟林蕩漾方
壺心傾意寫志豁神攄留宿宿兮信信忽便便兮諸諸而曰
倚茲園之怡曠子經夫差之故都駐我馬于高岡兮想越來

之師治吳傷西子之不作兮徒憑弔于交衢聆寶牒而聲銷
兮剝紅心之草鋪嗟宮牆流水之入子驗妖夢之非詛既上
山而下山子復自田而之湖回瞻巖椒之夕陽兮挂霄漢之
浮圖逼茶隴之葱青兮占稻田之豐腴耘雖資乎疆以兮穫
免發彼租符眺松臯之明秀子步衡薄而踟躕辭八門與七
堰兮遠肥膩之姑蘇望之叢叢蒨鬱即之羅羅清疎既外隈
而內隩亦前消而後沮磴希偏側丘不崎嶇澗無飲虎穴少
潛狙石梁緩度坦坦舒舒春則桃殷李縞夏則筍白櫻朱薔
一丈子爛漫香五木子紛敷架層闌之曲录刺不慮夫牽犁
又有同心宿蕙並蒂新藻未八月而剝棗先九日已囊萸野
芳斷子復續湛露晞子更濡訝鷓鴣之撲鹿縱烏鳥之畢逋
啗啗楚雀汎汎江鳧雀則有鷺鳧則有雛翠羽定巢而不去

文鱗在藻而忽徂非無牛宮豚柵麋茅兔置羝藩鹿岩雉艾
雞笈螭蟹設籩鱸鮪施眾寧寬便了之僮約而免責其辛劬
彼玉山之仲瑛暨光福之良夫連峰列岫夾澗通瀆豈若斯
之一丘一壑不見其隘而祇見其有餘且客獨不聞茲園經
理之初邪曩有高士蜚遁山屨履穿東郭面垢左徒垂蘆簾
于紙閣然窮葉于瓦壚朋慵迎子勿送戶罷闔而不逾柏雖
生兮上槁桐已齟而无膚斯人去子猿鶴散幸茅亭之尚在
對魚幢之咫尺而轉覺其空虚生乃取介白之遺字吾鄉徐高
士白舊居
于此上舍請崑山徐吉士昂
發大書介白之亭扁縣之縣擘窠之大書志先民之軌躅作後學
之範模豈非仁心仁術視富貴利達買宅者攸殊今吾與諸
子飲食宴樂于此倡子和女安知後之游者覩題壁之作不
曠世而相感誦清風之穆如重為告曰四坐莫誼吾言不渝

諸君卜築近在郊郭吾獨家栖小長蘆目極百里何山可
居相生之宅其樂只且兒分布被母御板輿婦采蘋而采蘋
子耕菑而耕畬烹泉則京抵盤籃並載入市則修琴賣藥非
迂郊關一舍而近津渡扁舟可呼行不苦于趨趨策不藉乎
翼扶我舟弗勞我僕免痛訪翠墨而椎拓榻黃卷而流輪凡
靈威所守唐述之儲莫不籤題置筭裝界開圖爾雅釋寓豔
之屬離騷箋草木之疏僕雖耄矣耽與道俱奇文疑義猶冀
相須友直友諒為德不孤思載家具旁生層櫺卜鄰晨夕我
與爾夫

樵李賦 并序

嘉興古之樵李也樵遵為切許慎說文解字從木有所擣賈
思總嫁李法臘月中以杖微打岐間正月復打之足子殆擣

之義與府治西南二十里舊有橋李城今蕪沒李惟縣東
十里淨相寺有之近苦官吏需索寺僧多伐去將來慮無存
矣考之圖經俱不載因體物成篇辭曰

植物有李子應玉衡之星精受命南國子特以橋名產維揚
吳會之交子載于魯春秋之經既殊河沂之黃建子亦不類
房陵之縹青風傳九標之稱允宜五沃之土自空城之蕪沒
遷淨相之梵宇獲要術于齊民授靈方于老圃甄著樹以分
岐犁不耕而用拊當其温風始至法苑徐開井上勿遺糟食
林間恰有禽來價方高乎朱仲種不讓夫顏回果熟偏蕃枝
低易拜漿均玉乳之梨品勝紅雲之柰相珍果之離核縣弱
縷而虛中異懷仁之桃杏必待嫁而分叢宜登玉盤宜沉水
冰雪素瀉而並陳配甘瓜而兩美傳諸故老一事矜奇遇入

吳之西子膳精之匪舟移經纖指之一拍量心賞之在斯何
造物之工巧兮化千億于來茲雖彼美之云亡兮鬢歸若或
覩之人情重故鄉兮雖小物而增慕矧俊味之得嘗子信土
產之有素悵圖經未之及兮迺宣豪而作賦

曝書亭集卷第一

曝書亭集卷第

秀水 朱彝尊 錫鬯

古今詩一

旃蒙作噩

村舍二首

村舍朱生感遇作也生年十七爲贅壻避兵五兒子橋

村舍有牛宮架以曲尺木牴牾盈四三戀此共泥伏牧童驅
使行跨之上原陸日夕齊下來各自舐其犢吾生命不辰早
歲去邦族父母謂他人安敢望拊畜吁嗟犢不如寢訛從所
欲

村舍有雞柵樹近蓬門樞曉日披其樊一雌將衆雛村嫗導
之前握粟呼朱朱當前或更却母啄子必俱吾生早離家南

北忽相踰父母謂他人衆中益羈孤吁嗟雞不若骨肉長相
須

夏暮蕩二首

夏暮蕩前停釣輪荒溝極浦易迷津夕陽滿地北風起飛遍
蘆花不見人
干戈靜處見漁師羨爾花源信所之豈意义魚艇子集殺機
不異銳頭兒

過丘生

丘生避地夏湖曲獨伴流泉結書屋茅柴酒薄留故人破甑
夜燒風折木

柔兆閏茂

曉入郡城

輕舟乘間入繫纜環離根古道橫邊馬孤城閉水門星舍兵
氣動月傍曉煙昏辛苦鄉關路重來斷客魂

悲歌

我欲悲歌誰當和者四顧無人乳乳曠野

過吳大村居

泛舟經谷口迢遞入林端一徑野煙夕孤村返照寒榴花赤
瑪瑙竹色青琅玕滿酌主人酒休歌行路難

漫感

淮陰昔未遇旅食昌亭年薄俗愛惜費晨炊固宜焉哀哉趙
元叔日歎囊無錢男兒雖落魄寧受衆目憐相逢游俠子白
馬黃金鞭揖我入酒家飲我斗十千臨觴忽不御拔劍心茫

然

暝

暝投人外宿桑柘藹陰陰獨樹歸禽少平川隱霧深松篁初
月上鐘磬夕陽沉漸覺微風起寥寥山水音

平陵東

平陵東蒿艾蓬爾爲誰劫義公縱者金伐者鼓縛義公大旗
下帳前力士頭虎毛傳呼欲下五尺刀如可贖君歸賣白馬
我歸賣黃犢

強圍大淵獻

捉人行

步出西郭門遙望北郭路里胥來捉人縣官一何怒縣官去
邊兵來中流簫鼓官船開牛羊橐駝蔽原野天風蓬勃飛塵
埃大船我我駐江步小船捉人更無數頽垣古巷無處逃生

死從他向前路沿江風急舟行難身牽百丈腰環環腰環環
過杭州千人舉擢萬人誦老拳毒手爭毆逐慎勿前頭看後
頭

馬草行

陰風蕭蕭邊馬鳴健兒十萬來空城角聲嗚嗚滿街道縣官
張燈徵馬草階前野老七十餘身上鞭扑無完膚里胥揚揚
出官署未明已到田家去橫行叫罵呼盤飧闌牢四顧搜雞
豚歸來輸官仍不足揮金夜就倡樓宿

北邙山行

北邙山前望行路素車白馬紛朝暮誰家丘墓樹龍從白楊
粉檟松柏桐黃金爲鳧石爲馬魚燈熒熒照泉下古碑崩剝
無歲年後人於此犁爲田雄狐僂僂免矍矍人聲夜哭烏聲

樂

春晚過放鶴洲

問訊裴公島春來幾度遊古牆修竹上潭水落花浮煙雨無人境山泉放鶴洲鳴夷今不見往事問漁舟

雨後即事二首

暑雨涼初過高雲薄未歸泠泠山溜遍浙浙野風微日氣晴虹斷霞光白鳥飛農人乍相見歡笑款柴扉

一雨平林外羣山倚杖前蛙聲浮岸草鳥影度江天鳴磬上方寺揚帆何處船坐疑秋氣近蕭瑟感流年

野外

野外疎行跡深林客到遲江湖殊後會風雨惜前期秋草飛黃蝶浮萍漾綠池南樓夜吹笛寥落故園思

舟經震澤

澤國東南遠樓船舊荷戈明霞開組練惡浪走蛟鼉橫海將軍号臨江節士歌重來已陳跡歎息此經過

著雍困敦

董逃行

我欲上登崆峒謁見仙人韓終兩驂白鹿雲中輕車超忽西東駕者何人木公旁有千載玉童耳長覆髮丰茸天門闔者蘇林復開閭闔招尋青藍紫桂成陰清風細雨吹襟提壺設席盍簪蒼龍白虎交臨投壺六博無方中筵促坐芝房有美一人清揚輕軀暢舞洋洋宛若龍游鵠翔清歌妙曲難忘四坐歡樂未央曛曛日出博桑

五游篇

崑崙有鳥自名希有東覆木公西藏金母解一飄風東來吹我

西征路從弱水阿母未經解二雲車隆隆土鼓逢逢道逢仙人

言葬雷公解三河鼓渡河天孫設食奔星馳驅不見太白解四方

丈之山其高五千羣仙往來不願升天解五

少年子

臂上黑彫弧腰間金僕姑突騎五花馬射殺千年狐

雀飛多

雀飛多飲啄野田裏奈何卒逢黃鸝子誰其救者彈以丸何
用報君雙玉環玉環如可不惜黃花與爾食

獨不見

青樓百尺狹巷旁中有桂樹臨高堂啼鳥自將八九子鳴鶴
散立東西廂情入碧玉小家女快馬瑯琊大道王陽春三月

獨不見夜如何其守空林

宿

曹三秀才

故人多寂寞而子寄僧房不見長相憶因之暫裏糧野雲停
曲几涼雨滴虛廊欲問歸津渡蕪葭一水長

晚

白屋生寒早蒼煙向晚陰松門清磬遠楓岸夕陽深坐聽農
人語多諳靜者心荆扉猶未掩倚杖數歸禽

題項叟

聖謨 畫柳

吾家舊宅由拳北恰與胥山樵對門巷柳蕭條今已盡春風

猶喜畫圖存

胥山樵項叟自號也

屠維赤奮若

春江花月夜

今夜江中月兼花照水濱春潮寒不起定有弄珠人

芳樹

芳樹不知名當君階下生三春三月暮一雨一番晴看舞山
薌曲聽吹玉笛聲相思人不見終日遶花行

擬古

東鄰有女自名碧玉問年幾何三六未足言采柔桑不盈一
朷愧無南珠以慰心曲原田有雉艾而張羅愛而不見傷如
之何

靜夜思

靜夜涼風天氣清開軒白露滋前楹憂人行立愁屏營仰觀
北斗懸高城浮雲飄忽蒼煙平誰家青樓歲蕤鑰月寒沉沉

夜飛鵲

阿那瓌二首

黃塵起跣跋乃自渭橋過小袖織錦袍足踏深雅鞞
問客家何方揚鞭兩走馬四角白虎幡招搖來關下

那呵灘

聞歡當遠行泣下不可止大編開江津懊惱鐵鹿子

烏棲曲

天河漫漫月流光錦筵紅袖燈輝煌城頭烏棲夜擊鼓吳王
更衣西子舞

同作

深宮烏啼天未旦城頭擊鼓明星爛吳王燕罷星已希繁
霜落樹烏驚飛

嘉興王胡介人

劉生

京華多俠客，勇略重劉生。一劍酬然諾，千金問姓名。歌鐘喧北里，冠蓋隘東平。聞道龍城戰，軍前更請纓。

當壚曲

吳姬春酒解，當壚隨意絲。繩瀉玉壺五，馬漫誇秦氏。女雙鬟，愁殺霍家奴。

小長干曲

江水東流急，風波正未安。郎今何處去，留妾小長干。

上章攝提格

同沈十二詠燕

節物驚人往事非，愁看燕子又來歸。春風無限傷心地，莫近烏衣巷口飛。

夏至日爲屠母壽

臨高臺將進酒，君提壺我鼓缶。君子且勿譖，小人鼓缶歌。一言我昔從東海，上親見上元夫人指爪長。長鬢髮翩翩吹瑤笙，擊石鼓宴者誰有金母投壺玉女爲客。豪青蚪白鹿相招，邀鍾山之李，綏山桃李如鉞桃如斗，得而食之皆老壽。今日高堂上壽稱觴，一年三百六十日，三百五十九日無如此日長。

夏日閒居二首同范四路作

蘭草羅含宅，蓬蒿仲蔚園。桐陰初覆井，瓜蔓漸踰垣。歸鳥檐前樹，斜陽嶺上村。無家味生計，漂泊信乾坤。

草閣親魚鳥，江天滿芰荷。行吟多澤畔，晞髮自陽阿。傍水看垂釣，因風聽伐柯。高陽尋酒伴，乘醉亦來過。

放言五首

劉生

京華多俠客，勇略重劉生。一劍酬然諾，千金問姓名。歌鐘喧北里，冠蓋隘東平。聞道龍城戰，軍前更請纓。

當爐曲

吳姬春酒解當爐，隨意絲繩瀉玉壺。五馬漫誇秦氏女，雙鬟愁殺霍家奴。

小長干曲

江水東流急，風波正未安。郎今何處去，留妾小長干。

上章攝提格

同沈十二詠燕

節物驚人往事非，愁看燕子又來歸。春風無限傷心地，莫近烏衣巷口飛。

夏至日爲屠母壽

臨高臺將進酒，君提壺我鼓缶。君子且勿誼，小人鼓缶歌。一言我昔從東海，上親見上元夫人指爪長。長鬢髮翩翩吹瑤笙，擊石鼓宴者誰有金母投壺玉女爲客豪。青蚪白鹿相招邀，鍾山之李綏山桃李如鉞桃如斗，得而食之皆老壽。今日高堂上壽稱觴，一年三百六十日，三百五十九日無如此日長。

夏日閒居二首同范四路作

蘭草羅含宅，蓬蒿仲蔚園。桐陰初覆井，瓜蔓漸踰垣。歸鳥檐前樹，斜陽嶺上村。無家味生計，漂泊信乾坤。草閣親魚鳥，江天滿芰荷。行吟多澤畔，晞髮自陽阿。傍水看垂釣，因風聽伐柯。高陽尋酒伴，乘醉亦來過。

放言五首

長門賣賦司馬秦市懸書呂韋吾生恨不能早手載其金以歸

步兵真成老卒德祖亦是小兒功名豎子先遂詩賦壯夫不為

高士南州磨鏡大夫吳市吹簫男兒不妨混迹何用匡居寂寥

為文思以冢葬對客寧將硯焚當年必無鍾子後世定有揚雲

種南山一頃豆瞻西疇三徑松耕桑若得數畝吾豈不如老農

八月十五夜望月懷陳大

忱

明月生滄海天橫一氣中遙憐今夜客相對與誰同應有良

朋過銜杯學孟公思之不得見清露小庭空

贈諸葛丈

旅館張燈夜未央相逢跋扈少年場同來大道朱樓上並坐
佳人錦瑟傍白首悲歌非往日青春把酒是他鄉襄陽耆舊
今寥落乘醉還須問葛疆

懷鄭 珣 客松江

連江楓樹外煙水隔層波歲暮飢寒逼荒城雨雪多故人居
谷口策馬去山阿幾日離居恨還應獨嘯歌

寄家孝廉 一 是

懷歸當歲晏木落徧江潭作客應相憶離羣自不堪陰風連
晦朔寒日下西南早晚依同病窮愁意亦甘

重光單闕

春日閒居

幽棲城市隔好鳥亦來翔閉戶野橋畔讀書春草堂有時敲
卓帽終日據繩牀且貰鄰家酒狂歌盡一觴

懷朱山人扉

別時桂樹秋相送衡門夜不見所思來春水生堂下

語溪道中

小縣初成市經春罷荷戈陂塘湖水緩桑柘石門多入饌鷺
兒酒愁人阿子歌見吳兢樂府解題蒲帆十八幅一半客經過

東飛伯勞歌

伯勞飛來燕飛去參辰天上重相遇誰家女兒十五餘織成
湘綺三條裾迴身微步乍生塵巧笑明眸善避人鬱金爲堂
桂爲柱中庭新種相思樹陽春已暮花漸稀可憐高下從風

飛

樹萱篇

朱明四五月萱草滿中園花枝連枝發葉葉從風翻解移萱
南湖濱樹萱北庭側亮無同心人馨香詎相識解兔絲自有
枝桃葉自有根黃花特小草何用通慙慙解冶容無故懼柔
條易顛倒本是忘憂花翻成斷腸草解

休洗紅

休洗紅洗多紅漸白人心初不同愛好非前日紅顏絕世衆
所尤美女入室惡女仇

采蓮曲

采蓮女兩槳橋頭去錦石清江日落時羅裙玉腕花深處采
蓮童素舸游湖中江謳越吹歌未歇朱脣玉面來相逢共道

江南可采蓮湖中蓮葉已田田攀花風動飄香袂照水萍開
整翠鈿翠鈿香袂逢人少回看蘭澤多芳草青鳥飛來啄紫
鱗白蘋斷處生紅蓼雲起暮流長飛花鏡裏香雙雙金翡翠
一一錦鴛鴦鴛鴦爲翡翠飛無數蘭橈並著輕搖櫓素藕連根
絲更柔紅蓮徹底心偏苦誰家年少垂楊下出入風姿獨姸
雅岸上徘徊七寶鞭湖邊躑躅千金馬淶江腸斷起歌聲惆
悵方塘一望平水上輕衣吹乍濕風中細語聽難明沙棠舟
繫青絲絳相邀盡說江南樂白露初看翠蓋飄秋風漸見紅
衣落橫塘燈火采蓮歸隔浦歌聲聽已希雲間月出開煙樹
惟見沙明白鷺飛

寄胡明府

振芳

老去甘垂釣秋深歎轉蓬虛堂驚蟋蟀涼露滿梧桐隱吏思

梅福忘年得孔融飄零方有日清宴幾時同

雞鳴

東方未白雞長鳴離人束帶步前楹中閨切切再三語曉寒
入室燈光清家童驅雞誤相觸膈膈膊膊飛上屋

讀曲歌

素藕生池中紅荷浮水面與汝同身本自不相見

華山畿三首

華山畿弩張不發箭知子未投機
兩相望儂非弧矢星安能長對狼
奈何許安得鳳凰子迎接儂與汝

游仙三首

東土非吾好西征豈憚勞何能從桂父且自學盧敖入水騎

龍竹耕煙種鴨桃不知閭風去員闕幾重高
八桂何時植雙鸞此日鳴然犀分水族懸鏡照山精片石臨
河見浮槎貫月行心知逢織女不待問君平
少小璇宮織當牕機九張天孫分重錦價直百千強欲渡明
河去牽牛不服箱謫來北斗下無計挹仙漿

臣里

臣里東家子生來十指柔已矜能挾瑟不自解梳頭蠟淚挑
珠鳳風簾控玉鈎日長消午夢鬪草及春游

玄默執徐

南湖夜聞歌者

輕舟暗度古城東惆悵霜天落塞鴻誰向夜深歌水調傷心
不待管絃終

舟次平望驛

舟人爭利涉日夕更揚舠一水分平望羣山接洞庭風來潮
約約煙橫雨冥冥愁聽嚴更發中宵尚未寧

楓橋夜泊

初月開平林繁星羅遠戍驚禽沙上鳴漁子夜深語遙聞歌
吹聲暗入楓橋去

治平寺

招提下山路一徑轉迴塘塢影開初地鐘聲落上方陰崖深
樹綠斜日亂峰黃湖上扁舟興沉吟意不忘

中峰尋

讀徹

上人不遇

中峰藤蘿上亭午傳齋鐘無復憚長路因之策短筇山明石
齒齒樹暗雲容容不見支公鶴相隨塵外蹤

白紵詞二首

吳王宮中夜欲闌
秋江露白芙蓉殘
青娥二八羅裳單
左鈿右鈿何姿盤
明星滿天月三五
城頭坎坎夜擊鼓
君王既醉不知音
猶向燈前作歌舞

天橫北斗夜沉沉
美人並進揚清音
白紵輕衣香氣深
玉釵亂墮無人尋
此時但恐君恩竭
急管繁絃那能歇
明燈忽滅烏夜啼
醉起更衣滿江月

江亭

楊柳官亭外
春來送客頻
傷心車馬地
淚盡復生塵

古興二首

空井雙桐落葉深
銅鑿百丈響哀音
美人不見涼風至
愁對秋雲日暮陰

羅生芳草綠汀洲
少婦明妝北渚游
日暮清歌何處發
蘋花秋水木蘭舟

哭萬兒

捉攜猶昨日
鬢髯憶平生
夜火銅盤淚
春風竹馬聲
無錢輕藥物
瀕死念聰明
迢遞黃泉道
沉沉慟汝行

送王游粵

好去羊城道
吁嗟契闊深
離羣空悵望
惜別重登臨
零雨哀南土
晨風念北林
征途祭酒客
天末渡江吟
煙火蠻鄉少
山雲驛路陰
枕櫛交嶺樹
孔雀擾家禽
去問楊字宅
歸看陸賈金
梅花如可寄
幸慰故人心

立秋後一夕同睦

修季

俞亮

朱一

是 繆永謀

集屠

曠齋

涼風吹細雨
蕭瑟度庭陰
把袂來何暮
當杯夜已深
天邊同

落魄江上獨愁心誰念新亭淚飄零直至今

送表駿還吳門

袁郎失意歸去來彈鋏長歌空復哀天寒好向汝南臥酒盡誰逢河朔杯遠岸楓林孤櫂入平江秋水夕陽開要離墓上經過地知爾相思日幾回

題畫四首

林深屐齒未曾經萬壑松濤偶坐聽我若支筇來此地便攜酒榼上茅亭

綠蕪遠近山參差露氣暗浮松樹枝烏蓬七尺屢回首看到月明歸未遲

長林楓葉早霜催絕磴鳴泉激石迴料得山樓聽不盡絃桐欲寫又徘徊

竹梢藤蔓淨飛沙冷翠疎林不著花羨殺幽人此高臥更無剥啄到山家

集句題王女史畫蓮

可愛深紅間淺紅滿池荷葉動秋風紫迴謝女題詩筆一片西飛一片東

昭陽大荒落

即席送王

廷璧

朱

士稚

同之松江

楊柳青青覆板橋春江花月夜生潮停杯又是他鄉別無那相思一水遙

遣悶

一雨竟十日蕭條成暮春歡娛那有地歲月漸過人煙草天邊路風花陌上塵良游如可再尊酒莫辭頻

閑情八首

邂逅重門露翠鈿，娉婷不嫁惜芳年。徒勞暇日窺香椽，漫想橫陳得小憐。洞口桃花何灼灼，江南蓮葉更田田。輸他三戶人，僥倖載上胭脂匯。畔船胭脂匯在構李相傳范蠡載西施處

生來里是比肩名，兩美須知定合并。北地佳人矜絕世，西鄰名士悅傾城。何緣珠樹成連理，便擬香車駕六萌。不分秦臺漏消息，玉簫先有鳳凰迎。

家臨大道不難知，夾岸楊枝踈地垂。春水白魚多比目，秋風紅豆最相思。飛龍藥店虛存骨，走馬章臺孰畫眉。多事定情繁主簿，山南山北淚連絲。

宛轉吳歌別有腔，蜻蛉舟小露紅牕。梅花日暮風吹樹，桃葉春深夜渡江。荀令香消煙索索，何郎燭暗影幢幢。思憑謝女

題詩筆畫作輕鸞六百雙

蓮花細步上蘭階，徐整同心七寶釵。入室便應金作屋，當壚須得酒如淮。身前容易風吹袖，夢裏分明月墮懷。五角六張看過了，何愁作事兩難諧。

舍後方池一水流，鴉鵲鷓鴣驚信沉。浮從教露井生，桃樹更遣中庭種。若榴錦段未通千里字，玉簫猶隔幾層樓。不知桑葉城南路，五馬寧能共載不。

水北花南路不紆，形相色授兩心輸。莫須遠結千絲網，且緩平量十斛珠。大婦亦憐中婦豔，新人定與故人殊。鴛鴦有分成頭白，肯許飛還野鴨俱。

一自神珠別漢臯，經春不見意徒勞。門前種樹名烏臼，水上飛花盡碧桃。三里霧同千里遠，九重樓恨十重高。無因得似

紅襟燕恣拂簾鈞日幾遭

渡黃浦

極浦連天闕驚濤壯海門揚舫辭驛路放溜入雲根白霧魚
龍伏蒼煙日月昏樓臺朝作市雷雨暗翻盆疏鑿千年久舟
航萬里奔摩霄盤野鶴吹浪湧江豚杳渺通長島虛無出遠
村祠因黃歇起葺以陸機存上客今何在高文不可論乘槎
應未得揺落問乾坤

龍潭曉發

曉發白龍潭移舟綠楊岸篙師暗中語行客水邊飯雞鳴潮
始來月落天未旦冥冥煙霧生稍稍城鴉散乘風萬里外擊
楫中流半慷慨游子心臨江起長歎

嫁女詞

啜啜重啜啜寫鴛鴦隨野鴨誰家可憐窈窕容顏精妙難意
量大姑生兒伴姑嫁小姑獨處猶無郎媒人登門教裝束黃
老爲金白者玉阿婆嫁女重錢刀何不東家就食西家宿

七夕詠牛女二首

浪傳靈匹幾千秋天路微茫不易求今夜白榆連理樹明朝
銀浦斷腸流

瓜果中筵笑語微西樓涼月夜開扉無因得泛浮槎去親向
天孫乞巧歸

南湖即事

南湖秋樹綠放櫂出迴塘簫鼓聞流水蕪葭泛夕陽心隨胡
鴈滅目斷楚雲長惆悵佳人去憑誰詠鳳凰

送林

佳璣

還莆田

高樓置酒觴今夕愁聽驪歌送行客搖落深知羈旅情飄零
況是雲山隔林生磊落無等倫鳳雛驥子誰能馴一朝忼慨辭
鄉里幾載飢寒傍路人平生崔嵬好奇服流離恥作窮途哭
往往詩歌泣鬼神時時談笑驚流俗林生林生骨相奇昂藏
不異并州兒看君富貴當自有不合憔悴留天涯高秋別我
閩中去行李蕭條慘徒御客舍清江萬里船鄉心紅葉千山
樹九里湖邊倚翠屏穀城山下俯清泠寒風江路兼山路落
日長亭更短亭嗟予分手天南遠惆悵河橋送君返遠客休
辭行路難高堂應念還家晚

送十一叔游中州二首

木葉下亭臯西風一鴈高驅車千里道結客五陵豪河水浮
官渡關門鎮虎牢驪駒方在路尊酒意徒勞

旅館涼風起秋城畫角哀天涯方遠客祖道且深杯山色陰
中岳河流繞文臺梁園多雨雪歲暮好歸來

送通門和尚住持太白山

越山東望路迢迢澗口寒藤度石橋惆悵空林飛錫遠海門
秋雨浙江潮

送屠癘入閩

故人千里去風雪上行車南浦悲長路西河歎索居江猿啼
遠近天水入空虛莫作經年別高堂正倚閭

逢姜給事

黃門先生官左掖力欲拔山氣辟易虎豹天關閉九重孤臣
血肉徒狼藉東萊廬市易沉淪南國相逢淚滿巾青鞵布韞
江湖外誰念當時折檻人

簡陳秀才

光綽

幾日秦嘉去應留贈婦篇盤龍明鏡好雙笑玉臺前

長安賈卜行贈吳三

統持

集杜句

翻手作雲覆手雨長安布衣誰比數天涯涕淚一身遙避地
何時免愁苦男兒性命絕可憐實籍君平賣卜錢身上須繒
腹中實長安市上酒家眠酒酣拔劍肝膽露勾陳蒼蒼玄武
暮人生萬事無不有世人那得知其故揚眉結義黃金臺亦
知窮愁安在哉可憐懷抱向人盡黃帽青鞵歸去來寂寞江
天雲霧裏舍南舍北皆春水龐公隱時盡室去我獨何為在
泥滓強移棲息一枝安百遍經過意未闌復有樓臺銜暮景
也從江檻落風湍多才依舊能潦倒百壺且試開懷抱但覺
高歌有鬼神不知明月為誰好吾兄吾兄巢許倫路難悠悠

長傍人可憐為人好心事終日坎壈纏其身

無題六首

金谷繁華地風流石季倫量珠凡幾斛買取墮樓人
織女牽牛匹姮娥后羿妻神人猶薄命嫁娶不須啼
夢逐山頭去身從掌上迴黃金如結屋先築避風臺
月映凌波鞵風飄出水衣莫教仙犬吠花下阮郎歸
漢皋珠易失洛浦珮難分不及閒男女肩挑六幅裙
養就芙蓉粉勻成十樣牋相思無別語只解勸歸船

哭王處士

翊六首

書信傳初到銘旌已在途今來紛涕淚昔別念須臾迢遞悲
長道艱難喪老儒山陽懷舊賦流恨滿江湖
遠道將歸客孤舟返舊林招魂迷楚水臥病絕吳吟夢裏羅

曝書亭集卷第二
含鳥囊中陸賈金猶憐別時語悽斷故人心
江海飄零日秦川喪亂餘淒涼萬里曲生死秣陵書零雨沾
青草高原哭素車南山桂搖落無復子雲居
知己從今少平生負汝多人生看到此天道復如何流水笳
簫曲悲風薤露歌王猷竹林在舊徑不堪過
落日明丹旆飄風卷總帷途窮偏作客身老獨無兒書籍今
何託人琴不可知高山空有調回首失鍾期
相送悲長別還家慘獨行流連簡書札次第念交情自有篋
中作何難身後名泉臺應快意未必似平生

曝書亭集卷第二

曝書亭集卷第三

秀水 朱彝尊 錫鬯

古今詩二

闕逢敦詳

同舍人五兄登觀山頂

杖策荒塗外憑高遠樹重微茫開積水縹緲見孤峰細雨春
歸鴈深山日暮鐘何年共招隱相伴入雲松

送王涉遊嶺南

送君西去大江深回首雲煙楓樹林嶺岨千山萬山外相思
孤月夢中尋

寄懷徐孝廉之瑞

憶別吳山事隱淪相思煙草歷冬春餘杭溪水空千尺不見

雙魚白錦鱗

贈別王山人 元慧

王猷原愛竹圖畫得天真老去貧尤甚年來妙入神與余情
 不淺傾蓋日相親紈扇題教遍屏風點更新蕭疎抽直榦蒼
 翠染叢筠雨暗瀟湘夕煙浮鄠杜春枝柯紛異色水石盡堪
 珍國史傳文苑君家有舍人 舍人名絨善畫竹不苟作嘗退朝黔
 國以雙縑索畫呼之不應至三年始致
之又月夜聞鄰人吹簫因圖尺幅與之曰
 以簫材報汝其人更求別幅并前畫裂之 風流存髮髯清切典絲綸散
 直矜通籍吹簫狎比鄰一朝翻毀裂萬里幾逡巡能事原殊
 俗當時信絕倫昔賢從脫略似爾實悲辛白髮重湖海青山
 廢隱淪狂歌老藤杖醉脫小烏巾不厭經過密惟應歎息頻
 物情輕一藝有識定千緡相賞知何地思歸及此辰郊扉餘
 舊業雲壑息勞筋早晚扁舟就三江共采蓴

示弟 彞珩

攤書仍不學萬慮亦徒然就市非長策躬耕少薄田請纓今
 日事作賦幾時傳莫效諸兄嬾蹉跎媿昔年

公過

遲客無三徑浮杯自獨園林棲堪永日瓢飲坐忘言竹戶青
 蟲網荷風翠鳥翻更看涼月上徙倚向南軒

七月八日夜對月

素月弦初直清宵漏轉添乍堪盈手贈無復兩頭纖影動明
 河鵲涼生碧海蟾玲瓏看不定試上水晶簾

得譚七表兄 吉聰 西陵書集杜

鰕菜忘歸范蠡船斷腸分手各風煙更為後會知何地自斷
 此生休問天縱酒欲謀良夜醉將詩不必萬人傳江山路遠

羈離日郭外誰家負郭田

俞汝言 移居八首集杜

亂後居難定臨江卜宅新入門高興發對酒滿壺頻為客裁
烏帽呼兒正葛巾平生飛動意披豁對吾真

寂寞書齋裏幽偏得自怡美花多映竹小水細通池丘壑曾
忘返招邀屢有期論文或不媿步履過東籬

田園須暫住版築不時操落景聞寒杵牆頭過濁醪雜花分
戶映亂石閉門高試問垂綸客吾何隨汝曹

簡易高人意村花不掃除日長唯鳥雀客至罷琴書曬藥安
垂老鈔詩聽小胥由來意氣合歲晚莫情疎

卜宅從茲老幽居不用名倒衣還命駕高枕笑浮生弟子負
原憲諸公厭禰衡看君多道氣攜手日同行

隱者柴門內無村眺望賒圓荷浮小葉秋竹隱疎花帖石防
隕岸傾壺就淺沙何時一茅屋來問爾東家

牀上書連屋庭中藤刺簷看君用幽意勝槩欲相兼棗孰從
人打杯乾自可添此時同一醉與汝定無嫌

滿目悲生事終朝有底忙世人皆欲殺詞客未能忘回首驅
流俗過逢類楚狂吾生無倚著配爾亦茫茫

懷黃十三 級 客閩

八月霜清木葉飛關河秋望淚沾衣寒山桂樹今搖落惆悵
王孫尚不歸

鷺脰湖寄周四 吉亥

鷺脰湖邊水臨流好結廬桑麻深杜曲雞犬擾秦餘紅葉層
層樹銀花寸寸魚耦耕兼有伴暇擬著叢書

八月十三日夜汎月太湖

爲愛清秋月中流獨扣舷艱難羣盜路寂寞五湖船白髮從
今夜青山憶往年酒闌愁不寐相顧意茫然

十七日夜月

待月涼宵靜更深醉玉缸空城懸北斗流水入西江落葉紛
無數鷺鷥起一雙高樓思蕩婦茲夕定當牕

旅興呈舍人五兄二首

舊宅烏衣巷涼秋白苧歌湖山歸路遠風雨閉門多暗窅隱
松桂深潭漂芰荷美人日遲暮芳草奈愁何

旅館三秋客端居百慮違張衡長不樂王粲竟無依夜月彈
長鋏涼風歎短衣天涯芳草盡我馬亦懷歸

寂寞行

寂寞復寂寞四壁歸來竟何託男兒不肯學干時終當餓死
填溝壑布衣甘蹈湖海濱飢來乞食行負薪不然射獵南山
下猶勝長安作貴人

九日同張

璵 永謀

集錢

汝霖宅分賦

魯酒飲未醉商歌調復勞百年齊下淚九日罷登高短髮參
軍帽重寒范叔袍舊來飛動意空羨五陵豪

旃蒙協洽

謁廣陵侯廟

并序

錢塘江干有廣陵侯廟其來古矣乙未三月將之越中問渡
展謁廟下按枚乘七發觀濤於廣陵之曲江世疑廣陵國爲
今揚州府治然元季錢思復試羅利江賦證曲江即浙江楊
廉夫避之時号曲江處士而曾子固撰越郡趙公救災記中

有廣陵斗門合之伍子之山胥母之場疑義可析因賦絕句
紀之江月松風者思復自題其集名也

昔聞江月松風客賦證錢唐是曲江不見郊關廣陵廟靈風
長拂舊幡幢

固陵懷古

越王此地受重圍置酒江亭感式微想像諸臣紛涕淚淒涼
故國久睽違天寒竹箭參差見日暮烏鳶下上飛猶羨當年
沼吳日六千君子錦衣歸

蕭山道中

古樹參差暗春禽旦暮鳴東西開水市高下築山城翠竹千
家靜清江二月平昔賢栖隱地巖壑有同情

梅市

仙吏經過處空江日夜流何年市門去千載渺難求竹暗清
溪路沙明白石樓羈鴻與孤客歸思兩悠悠

鑑湖

狂客當年歸四明經過遺跡不勝情澄湖一曲明如鏡身在
山陰道上行

雨坐文昌閣

芳草辭南浦晨風寄北林佳人天路隔帝子水雲深風雨他
鄉別羈愁薄暮心冬青已無樹忍向六陵尋

偕謝

晉

吳慶楨

登倪尚書衣雲閣

閣初成日倪公謙
漳浦黃公於此

飛樓跨百尺畫棟長氤氳我來偕客一延佇置身髣髴雲中
君憶昔樓成時尚書歸田里北海方看尊酒開東山終爲蒼
生起自從龍馭歸鼎湖公亦仗節死京都子規燕市尋常見白

鶴遼東歲月徂十餘年間亭已壞游客經過增感慨吁嘻
黃公授命大中橋魂兮欲歸不可招千門白下總蕭瑟何況
尚書一廛室請君下樓歌莫哀回首高城月東出

謁大禹陵二十韻

夏后巡游地茅峰會計時雙圭開日月四載集輜櫛國有防
風戮書仍宛委披貢金三品入執帛萬方隨相古洪流割欽
承帝曰咨寸陰輕尺璧昆命有元龜自授庚辰籍寧論癸甲
期清都留玉女惡浪鏢支祁荒度功攸賴平成理自宜神姦
魑魅屏典則子孫貽明德由來遠升遐亦在茲丘林無改列
弓劍祇同悲回首辭羣后傷心隔九疑烏耘千畝徧龍負一
舟移斷草山阿井空亭嶽麓碑芒芒懷舊跡肅肅禮荒祠黃
屋神如在桐棺記有之筵誰包橘柚隧或守熊羆共訝梅梁
失因探窆石遺榻來憑弔處拜手獨陳辭

南鎮

稽山形勝鬱岩堯南鎮封壇世代遙絕壁暗愁風雨至陰崖
深護鬼神朝雲雷古洞藏金簡燈火春祠奏玉簫千載六陵
餘劔舄帝鄉魂斷不堪招

晚過寶林山寺

相傳山自瑯琊東武海中
一夕飛至人民皆徙焉

春風從何來吹彼芳樹枝客心坐惆悵日夕千里思出門異
南北獨往任所之眷言登茲山已見西日馳羣峰趨戶外出
沒成參差置身空濛間恍忽飛來時向下聽雞犬極視窮高
卑沉沉西林路光闇從此辭回瞻白雲合林外鐘聲遲

遼門山

修途緣廣隰川暝高煙平迢迢前山路落日西林明舍舟復

登陸慰我巖壑情斧斤山林外白石丁丁鳴危梯懸木杪幽
谷聞人聲陰晴古壁暗高下蒼崖傾或見山火出時聞猿鳥
驚平看雷雨黑下視源潭清微風吹素浪日夕云云生山田
足禾黍水石明柴荆何年此幽棲深謝世上名無為在城市
戚戚多所營

舟中望柯山

朝光麗華薄清川蕩浮瀾棹楫臨江臯流目肆遐觀丹葩眩
重谷素雲冒曾巒我行既遲迴顧景多所歡青林翳巖桂香
風過崇蘭空亭邈孤高修竹自檀欒緬懷古之人知音良已
難

蓬萊閣晚望

源水桃花樹樹春風燕子家家目斷江南歸思愁人不在天

涯

再過倪尚書宅題池上壁

尚書池館古城邊卷幔山光繞座前一自鼎湖龍去後難期
華表鶴歸年石廊細雨生春草萬里悲風起墓田枉付尼師
作精舍粥魚茶版此安禪

若耶溪

若耶溪頭春水深南風北風樵采音浣紗女兒不得見清江
日暮愁人心

蕺山亭子

石磴層層上憑高四望同君王遺跡在寂寞古亭空綠水人
家外青林島嶼中昔年生聚日辛苦舊江東

弔王羲士

毓著羲士受學于都御史劉公宗周公聞南都守
絕食羲士上書于公曰慎勿為王炎午所笑乃

明書事集卷三
衣儒巾藍衫投柳橋下死與義
士先後死者潘生集周生卜年

中丞弟子舊家風杖屨相隨誓始終閉戶坐憂天下事臨危
真與古人同短書燕市遺丞相餘恨平陵哭義公此地由來
多烈士千秋哀怨浙江東

岳忠武王墓

宋室偏安日真忘帝業艱但愁諸將在不計兩宮還鄂國英
雄士淮陰伯仲間策名先部曲薄伐自江關赤縣期全復黃
河度幾灣龍庭生馬角雪窖視刀鏢城下盟何急師中詔已
頒盈庭尊獄吏囊木謝朝班相狡妻兼煽和成主愈辱長城
隳道濟大勇器成觀舊井銀鉞失高墳石虎間銘功存版碣
鑄像列神姦曠世心猶感經過淚獨潛傳聞從父老流恨滿
湖山朔騎頻來牧南枝尚可攀墓門人寂寞江樹烏緡蠻宿

草經時綠秋花滿日斑依然潭水月終古照潺湲

表忠觀

城邊碧瓦樹靈旂廟口明湖濯翠微罷聽緩歌歸夜月獨存
豐碣對閒扉錢塘白馬迴犀弩玉座青苔上錦衣保障東南
功不細祠官異代豈相違

歸

江南春事早二月已飛花眼見芳菲盡吾生信有涯妻兒空
待米風雨獨還家自斷無長策何勞感歲華

橫山蛟潭

雲根鴈齒階旁覩怪石裂傳聞此山隅有蛟出自穴崖傾箭
枯門水暗玄黃血不見下山人怡悵芳菲節

山爲顧况舊居有
讀書臺下山歌云日

日兮春風芳菲兮
欲歇况所作也

歸次西小江行舟被捉夜宿蔡村田舍二首

石壕逢小吏日暮捉人船
斷續清江樹冥濛細雨天
一身無倚著三命苦
沌澶巫把迷津問
蕭山何處邊
野老原頭立
逢迎禮數增
江村寒抱被
茅屋夜張燈
兵革愁何極
桑麻話未能
爲言官道近
一舍是西興

擬古折楊柳辭

手折楊柳條
倒樹孟津河
十年來繫馬
楊柳今漣娑

同作

上馬不執鞭
但折楊柳枝
出門不垂淚
但歌楊柳辭

山陰 祁班孫

對月簡周

箕賢 永謀

楓林初落日
秋露漸沾牕
仰視明明月
遙臨湛湛江
游思陶謝並
客有阮何雙
待發清溪櫂
相要醉玉缸

柔兆浣灘

山陰道歌送沈十二

進

我從山陰來
却憶山陰道
客舍高歌一
送君江南愁
思盈芳草
芳草碧迢迢
離人千里遙
青山謝公屐
白馬伍胥潮
潮來潮去
春江路行車
遠發西陵渡
雲暗清溪梅
市空風吹修
竹柯亭暮
迤邐鏡湖邊
中流記采蓮
樵風空舊跡
沉釀自成川
誰家青翰長
相見何處紅
妝不可憐
溪風橋雲門
寺流泉淙淙
石齒齒我昔
愛奇未到此
送君遠游從
此始直上秦
山望海水

送舍弟

彝堅

之山陰

別情不可道
送汝益淒其
分手悵前路
離居感後時
山中伯禹穴
江上伍胥祠
何處無芳草
池塘遶夢思

午日吳門觀渡

勝日銜杯罷輕舟解纜初盡傳迎伍相不比弔三閭畫舫龍
鱗見飛樓蜃市居雲濤看震盪雷雨任吹噓別有張筵客相
邀吳市墟王孫五花馬少婦六萌車芳樹晴川外平沙夕照
餘泉聲間絲竹人影亂芙蓉為樂時將晚當歌恨不除閭閻
成土俗天地感權輿江表遺風在承平舊事虛吾生多涕淚
高會輒欵歔

將游嶺南留別故園諸子

驅駒長路起秋塵遠客清樽不厭頻握手相看猶未醉滿堂
明月照離人

錄別

飄飄山上雲泱泱溝中水居人語前除行子夜中起攬衣候

雞鳴東帶復隱几上堂辭嚴親入室慰妻子戚戚對弟昆依
依向鄰里臨當掩柴扉行復顧桑梓睠彼雙飛鴻徘徊不能
已

金山登妙高臺

高臺堪極目落景一登臨衆水金陵下孤城鐵甕深平沙依
鴈宿橫笛想龍吟不見安禪叟寥寥江上心

秣陵

秣陵城闕暮雲封估客帆檣落日逢萬里星霜沙塞鴈五更
風雨掖門松長江鐵鎖空千尺大道朱樓定幾重此夕愁人
聽鼓角驚心不似景陽鐘

采石

采石磯邊積雪晴橫江館外暮潮生金陵美酒百斛盡明月

滿江空復情

小孤山

北船乘長風南船載柔櫓篙師戒晨征渡口動津鼓霧淨開
孤峰沙明橫極浦逶迤經前山日色未亭午半嶺界樓臺參
差近可覩離離金碧光窅窅神靈雨遠望空愁心沿流采芳
杜

大孤山

兩孤去百里宛在中流半匪獨形勝殊氣亦變昏旦天梯鬼
斧開廟火神鴉散昭昭雲月輝歷歷明星爛空水既澄鮮浮
光亦凌亂飄颻御冷風恍忽度銀漢未有歸與情空深逝者
歎

舟中望廬山

昔予志名山夢寐五老峰今茲遠行邁舟楫欣來逢中流望
員闕隱見金芙蓉翠非一色飛雲渺千重歷歷澗中水青
靑崖上松所嗟限于役策杖誰相從空愁石梁在緬懷虎溪
蹤巖棲不得遂惆悵東林鐘

望湖亭對月

山色匡廬近湖光彭蠡開異鄉頻見月孤客乍登臺遠樹霧
中失浮雲川上來離心似黃鵠中道一徘徊

封谿聶侯廟

返照封谿上停橈思惘然地傳白鹿渚人記赤烏年簫鼓迎
神曲帆檣送客船誰令戎馬日萬里入南天

灘行口號六首

白鷺洲前動客愁黃公灘畔駐行舟誰開瘴嶺天邊路惟見

清江石上流

銅盤灘急水西東兩岸高山四面風絕壁倒飛巫峽雨懸流
直下呂梁洪

黃茅峽外野人居潭影空明漾碧虛長箭短衣朝射虎鳴榔
持火夜驚魚

斷壑陰崖百丈牽斜風細雨萬山連長年三老愁無力羨殺
南來下瀨船

紅霞深樹嶺雲平兩槳戈船石罅行浦口清猿催客淚一時
齊作斷腸聲

羊腸鳥道幾千盤設險寧惟十八灘見說一灘高一丈直從
天上望南安

虔州懷古

橫浦樓船靜西風草樹彫城荒百戰在地入九江遙豪傑爭
先後山陵慘寂寒鬱孤臺下水流恨自南朝

南安客舍逢陸郡伯兄

世楷

以滕王閣詩見示漫賦

憶昨君從柘湖至揚舸爭發吳趨市京口相逢借問君機舟
揚子江心寺晴雲縹緲散碧空歛忽破波生長風孤舟如巨
魚鼓鬣洪濤中川原迢遞不可極布帆飄忽隨西東我從鹿
渚趨長薄君到洪都更棲泊遠望開襟彼一時憑高獨上滕
王閣茲樓崛起天下雄珠簾繡柱垂文虹當年王師此高宴
一時詞賦推羣公留題真蹟不可見煙雲過眼須臾變古來
文采光燄長千載王郎信堪羨君家兄弟才難伍甫里聲名
動江左揮毫落紙氣凌雲坐令長才失千古我亦天南萬里
行白衣搖櫓度江城閒雲潭影徒回首南浦西山三復情大

庾城邊日將酉下馬逢君復攜手座上新開北海樽客中飲
我蘭陵酒酒闌相示絕妙辭九莖勝食齋房芝曲終定有湘
娥怨請罷如聞帝子悲當前勝地不得上使我沉吟一惆悵
舟楫重過定幾時雲山滿目知無恙明發梅花嶺外看長從
驛使報平安側身天地多知己且莫頻歌行路難

度大庾嶺

雄關直上嶺雲孤驛路梅花歲月徂丞相祠堂虛寂寞越王
城闕總荒蕪自來北至無鴻鴈從此南飛有鷓鴣鄉國不堪
重佇望亂山落日滿長途

湏陽峽

吳山多逶迤粵山獨嶄崟壁立千仞餘洞壑俯穹嵌子午見
日月朝夕鳴松杉天風一以至蕭瑟吹江帆懸崖答長嘯空

從祀翠濕征衫側聞飛仙度遠見浮雲銜何當斲靈藥坐惜無長

香爐峽

何年香爐峽擅此香爐名匡廬與會稽秀色同削成篁徑散
彩翠溪流澹澄明青雲結車蓋白日懸霓旌孤舟泛容與百
丈紛縱橫人影如沙蟲林林川上行夕陽下長坂猿鳥盡哀
鳴征途渺何極惻惻使心驚

大廟峽

連山何迢迢迢迢夕陽外我行曾幾時虛舟入青靄崖傾斷
車箱廟古陰松檜遙見靈旗翻微風響清籟川光與天空上
下如衣帶纍纍白石明窅窅浮雲晦日夕故鄉心山川渺吳
會

羚羊峽

泠泠高峽水際曉煙光微一聞征橈發宿鳥皆驚飛浦樹既
迢迢山雲亦依依谿迴修竹靜日出行人稀雙崖信奇峻屹
立如重圍後徑相叫嘯水石湛清輝遂令游子心萬里亦忘
歸林棲如可得願息漢陰機

寄遠

南風日夕度江潭旅夢還家路未諳寄語寒衣休憶遠更無
霜雪到天南

強園作噩

元日陰

黯黯窮陰合蕭條歲序遷故鄉應雨雪絕域尚烽煙更憶高
堂上頻思遠信傳辛盤空自好誰爲介樽前

首春端州述懷寄故鄉諸子

客舍千山外春城萬里心草青仍一度雲暗結重陰往事隨
蓬轉謀生愈陸沉承歡違菽水兄弟渺商參負米情空在離
鴻思不禁此邦非樂土何處好懷音枉作窮途哭虛勞澤畔
吟蒼梧晴峽遠桂水暮流深夢斷梅銷嶺囊空陸賈金楓林
悲落月苔石憶同岑燕笑應如昨沉吟獨至今北歸徒躑躅
南望益蕭森瓊樹佳人隔梅花驛使臨短書知可報珍重問
江潯

珠江午日觀渡

蠻歌撫節下空江畫舸朱旗得幾雙想像戈船猶漢日忽驚
風土異鄉邦芙蓉遠水迷花渡琥珀深杯覆酒缸近市青樓
經亂盡知無紅粉出當牕

五羊觀

中天臺殿倚南溟玉珮雲衣散百靈瘴雨不開煙樹黑驚濤
直下海門青騎羊舊說朝仙馭銜穀何年降楚庭歎息遺墟
今寂寞高林空度羽人經

蓬軒落成曹方伯溶招飲納涼即席分韻

卷幔溪光夕開軒露氣澄參差交月樹升降護風燈幕府容
疎放蠻天罷鬱蒸南園多勝友况挹酒如澗

羊城客舍同萬秦嚴焯陳子升薛始亨醉賦

客舍所居堂勝侶時相求興來攜手一展眺恍如孫楚之酒
樓樓頭取酒恣驩謔遠勝十千宴平樂海寺鐘聲風未聞江
城帆影樽前落夕陽飄忽晴滿林須臾急雨來庭陰蠻天五
月不知暑座客相看寒已深我本蘆中人易下新亭淚莫辭

魯酒薄拚作高陽醉出亦復苦愁入亦復苦愁黃河之清不
可俟何用長懷千載憂陳拾遺嚴夫子羅浮四明兩道士意
氣寧從杯酒生文章本是千秋事況今生涯羈旅中時危得
不悲途窮丈夫三十不自立一身漂泊隨秋蓬雖未白頭成
老翁當前有酒且痛飲明朝岐路仍西東

同陳五子升過光孝寺

浩劫虞翻宅沙門大士居寒煙萬井外春樹六朝餘是日風
旛動諸天夕照虛更尋濠上樂偶坐一觀魚

越王臺懷古

君不見越山高高越臺古複道逶迤接南武北望山頭徧白
雲西臨城下環珠浦由來形勝盡高丘萬里天南此壯游驚
濤暗向扶胥落佳氣晴連鬱水浮憶昔中原逐秦鹿五軍失

利屠睢戮番君一出王衡山戶將從征入函谷天教霸象開
南溟宵分東井聚五星龍川縣令起嶺表被書移檄馳邊庭
聲言三關盜兵至一時按法誅秦吏萬人既築湏陽城千里
還開雒王地漢帝當年爲剖符陸生燕喜出西都冠裳雕結
須臾變文錦蒲桃絕世無番禺之交一都會因山築臺落天
外百丈迴盤信壯觀三時朔望長升拜自古羈縻稱外藩誰
令市鐵禁關門不見鮫魚重入貢旋看黃屋自言尊漢使陳
觴更行樂紫貝明犀雙孔雀重來錦石已成山歸去黃金遂
盈橐一從蒟醬啓唐蒙越騎校尉甘泉中是誰僂殺棄繻者
江淮巴蜀紛來攻伏波下瀨軍三面樓船戈船齊教戰合浦
珠崖隸海隅山薑扶荔移深殿尉佗城圯夕陽原建德園荒
秋樹根虛傳避暑游宮闕幾見浮杯出石門木棉花開山雨

積鷓鴣啼處蠻煙碧舊井潛移郭璞城離宮半入虞翻宅人
事消沉洵可哀千秋朝漢餘高臺漢家遺蹟不可問吁嗟乎
歌風柏梁安在哉

東官書所見

浦樹重重暗郊扉戶戶關長年搖櫓至少婦采珠還金蓋履
一尺素馨花兩鬟摸魚歌未闕涼月出雲間

東官客舍屈五過譚羅浮之勝時因道阻不得游悵
然有懷作詩三首

枉作名山約茲來不易逢雨捎千徑竹苔冷萬年松錦鳥青
丘下霞書石室封向來獨往地惆悵闕仙蹤
傳道朱明洞堪留白石樵鸞凰曾可御蛇虎爲誰驕細草香
金澗寒雲束鐵橋梅花清夢斷彼美罷相要

勾漏來仙令神靈得鮑姑丹砂不死藥竹葉辟兵符白日飛
蝙蝠紅雲泣鷓鴣何能振衣去敢復計窮途

過朱十夜話

番禺 屈大均

黃木灣頭月扶胥渡口舟日方逾北至火已漸西流過雨
收紅豆連波狎白鷗夫君若爨草一見即忘憂

贈張山人穆

鐵橋山人逸興長草堂卜築東溪傍彈碁擊劔有奇術飲酒
賦詩多樂方逢人豈憚霸陵尉畫馬不數江都王莫道雄心
今老去猶能結客少年場

贈張五家珍

可歎張公子流離自妙年身孤百戰後門掩萬山前易下窮
途淚難耕負郭田平陵松柏在餘恨滿南天

贈高儼

高生老畫師往往賦新詩能事繇來重狂歌和者誰飲知犀
首好情識虎頭癡不向銅鞮去尋常倒接羅

哀蔓處士以寅

濃花細雨落前簷憶別江樓暮卷簾今日天涯同調盡白楊
荒草哭陶潛

食龍目

龍目原奇樹嘉名自海區何年賦旁挺得與側生俱黃擬支
郎眼圓分漢女珠幾人曾嗜此昌歎未應殊

送曹方伯還里

惆悵紅亭酒登艫奈別何秋風空日夜岐路渺關河重以歸
與歎因之勞者歌還憑長短笛吹出感恩多

夜泊西南驛

生煙平楚夕隱隱見西南獵火寒歸騎津亭暗落帆往來仍
嶺外憔悴即江潭縱有還家夢愁多已不堪

三水道中

浦樹高原盡人家負郭稀夕陽明斷塔風色上征衣老馬長
途伏飢鷹側翅飛寒江日西下不送北船歸

崧臺晚眺

傑閣臨江試獨過側身天地一悲歌蒼梧風起愁雲暮高峽
晴開落照多綠草炎洲巢翠羽金鞭沙市走明駝平蠻更憶
當年事諸將誰同馬伏波

七星巖水月宮

晨策遵北渚初噉麗陽崖淒清曾颺發鬱述素雲霾橫術越

故蹊交林冠高齋蒼煙秀松果白石崇基階以茲清曠地結
念澄中懷瑤琴雖無音山水調長諧何必答歎歌魚鳥即朋
儕懷新意猶卷撫往迹誠乖即事非浮歡真樂亮難偕

入景福洞登璇璣臺

紺宇陟旣窮靈域探未竭援蘿巡傾崖窺巖辨修碣滅跡超
重深拂衣避碑砢入窑驚坎習出泉自蒙發洩雲晴未歸石
火寒不伐吹萬聆天風明兩見日月芳塵凝花堂象緯逼金
闕陰澗待息心陽阿足晞髮歲晏當來游毋令蕙草歇

由香關至玉虛觀遂轉登絕頂

山行不辭勞况非道路長石門敲層阿沙草敷陽岡仄徑旣
窈窕連峰復青蒼登高眺千里矯首凌八荒飛鳥遺之音埃
風吹我裳覽彼終南詩有紀亦有堂亭亭翠旗列宛宛朱鳳

翔忘憂豈在邇爲樂誠多方何當啓閭闔高舉朝紫皇

下扶嘯臺陟閬風崖自蓬壺徑汎舟入鐘鼓洞

高寒肆冥搜幽異愜心賞窮梯背樵蘇密徑面篠簜睇後路
既迴瞻前渚彌枉緬辭蘇門嘯重作剡溪訪泉石匪自今亭
臺已成曩其鐘異短聞無射中奇響偉茲造化功流形信无
妄津逮興故超神淵道斯廣懷哉謝人寰歸與授吾黨

阻風珠江口漫成十韻

疾風江上起舟楫盡停橈靜聽千林折驚傳百丈颺飛鳴連
鴈落高下斷蓬飄急鼓峒人伐殘虹颺母驕土囊愁岌業板
屋歎漂搖望入孤城近真成一水遙空倉寒聚雀深樹晝聞
鴉長短誰家笛東西背郭樵驅馳嗟異域搖落感今朝惆悵
王孫路懷歸不自聊

送嚴熹之惠陽

相期且樂酒相見輒悲歌相送有如此相思知若何晴川疎
樹遠落日亂山多別後豐湖月聞鐘應獨過

鬱洲寒望

一丘迴枉渚獨往失斜曛到地無南雪連天有朔雲貪泉懷
刺史蠻語問參軍漸聽寒潮落昏鐘隔浦聞

曝書亭集卷第三

曝書亭集卷第四

古今詩三

秀水 朱彝尊 錫鬯

著雍闾茂

將歸留別粵中知己

請君膝上琴彈我游子吟哀絃激危柱離思難爲音賓御皆
煩紆何況居者心于役既有年歸哉方自今不辭路悠長眷
此朋盍簪山川一以隔邈若商與參行邁日靡靡憂心亦欽
欽汎舟滄浪天驅車過雲岑中誠何用寫執手情靡任

峽山飛來寺

花宮蕭瑟暮雲間絕磴藤蘿迴莫攀一自高風留帝子至今
修竹滿空山澄潭犀去沉金鎖古洞猿歸帶玉環此夕登臚

渾不寐更教浴月弄潺湲

凌江道中

遠客千行淚離程一葉舟生憎江上水不肯向東流

楊歷巖觀瀑布水

瞻塗越修畛遵渚拂芸苔駕言陶嘉月采隱滌氛躡舍車循
曲汜捫葛升陵喬柔萸挺英蕊灌木蔚豐條仰沾潺湲沫俯
聆載道飈逝者如斯夫洵至非崇朝靜觀羣化遷始悟萬象
超一鼓丘中琴清響流山椒鳴鳥聲相求潛蚪德彌劬願言
繫白駒於焉久逍遙

古今雄州歌四首

雄州滿目瘴雲霾風物當年亦可懷大庾梅花連小庾正階
流水入斜階

綠榕萬樹鷓鴣天水市山橋阿那邊蜚雨蠻煙空日夜南來
車馬北來船

滇江西下墨江流來鴈孤亭春復秋十部梨園歌吹盡行人
虛說小揚州

山頭風急雨淒淒篔簹竹荒茅一望迷縱有歸人歸未得空勞
夜夜子規啼

席上留別陸兄

世楷

但秉中宵燭重爲旅客吟驪駒即長道絲竹本哀音越嶠停
雲遠秦關落日陰無勞岐路別酒坐已霑襟

庾嶺三首

不隨野雀棲不挹斜階流顧茲非我鄉胡然久滯留侵星陟
長阜亭午次崇丘丸丸青松偃鬱鬱玄雲浮有淦自東來畢

景忽西道征夫念獨宿徒御方相尤
相尤夫何為獨宿在車下往矣歲聿除來思月惟夏大儀互
迴游芳華兩徂謝迴車感長途如歲匪遙夜我馬既已瘖征
夫本靡暇曰旦候雞鳴嚴程起夙駕
夙駕踰秦嶺連岡勢逶迤一為愁霖唱慨彼東山詩沾我征
衣裳素絲以為緇不愁裳衣濕所嗟徒御飢薄寒忽中人不
異三秋期言旋雖云樂翻使我心悲

謁張曲江祠

峻坂盤神樹陰崖鑿鬼工芳塵羽扇冷春燕玉堂空不覩關
門險誰開造化功經過遺像肅千載嶺雲東

晚過東山寺

飛閣流丹蝕層巒積翠多松間明月在惆悵下山歌

題南昌鐵柱觀

丹甍縹緲麗層城鐵柱縱橫鍊紫清陰洞蛟龍晴有氣虛堂
神鬼晝無聲游人自愛登高賦仙吏仍兼濟物情雷雨忽愁
天外至江湖元在地中行

登滕王閣

峻閣峙洪都凌虛落照孤縈迴窮島嶼波浪接荆吳舊地君
王賞分封禮數殊霓旌千騎入玉佩幾行趨水汎魚龍宅花
濃蛺蝶圖星霜歌舞換俯仰物華徂蹟以三王重名將百代
俱雄文思往事高興亦吾徒闌檻看如昨登臨信可娛西山
開積雨南浦散平蕪作賦秦公子行吟楚大夫由來憑眺地
襟帶有江湖

阻風吳城

客路愁何極清樽幸未空匡廬長在望不厭石尤風

舟次彭澤悼萬孝廉

泰

涕淚千秋在田園萬事非悲風彭澤柳宿草首陽薇但有青
蠅弔虛傳白鶴歸秣陵書不速何處覲音徽

秋浦

秋浦沙寒鷺浴敬亭山暝雲流何處吹來片雨回風正濕鄰
舟

烏江謁西楚霸王廟

山前松柏憤王宮遺恨當年尚不窮忽見諸軍盡垓下愁聽
父老說江東美人罷舞餘春草駿馬悲鳴自朔風萬歲來游
還此地千秋霸業有誰同

還家即事四首

回首辭江海驚心念物華漸看鄉樹近彌覺旅程賒避地虛
留井無田學種瓜重爲廡下客慙媿說還家

遠客朱顏改高堂白髮新長貧謀半菽幾日且兼珍遂有耕
田計無勞陟岵頻南陔蘭可采眷戀及良辰
卜築仍無地來歸轉自憐癡兒猶昨日病婦已連年扇有蒲
葵攬牀移莞弱眠濁醪供取醉不向酒壚前

至此猶餘悸於焉暫息機不辭新蠟屐重理舊鶉衣鬼笑劉
龍拙車看素紹非生還良已幸長缺幾人歸

有感介人履安也

雨中陳

三鳥

過偕飲酒樓兼示徐

晟

吳門十日風雨惡決明花開忽復落游人登高愁未已客子
入門慘不樂陳生疎放良可喜雨中過我臨頓里却話平生
同調人吹篴擊筑皆知已皋橋橋西多酒樓妖姬十五樓上

頭百錢一斗飲未足半醉典我青羔裘坐中臨觴忽不語南
州孺子高陽侶同是東西南北人明朝酒盡歸何處

吳江顧處士

樵

扁舟過訪留所畫山水圖并新詩見

贈集杜句酬之

君不見東吳顧文學前者途中一相見同心不減骨肉親素
知賤子甘貧賤故國平居有所思數篇今見古人詩飄零已
是滄浪客酒後嘗稱老畫師畫師不是無心學合沓高名動
寥廓漫勞車馬駐江干數問舟航留製作春山無伴獨相求
請君一來開我愁乘興遣畫滄洲趣舟楫渺然從此去乃知
變化不可窮意匠慘澹經營中陰崖却承霜雪榦山木盡亞
洪濤風尤工遠勢古莫比雲白山青萬餘里虛無只少對瀟
湘天下何曾有山水浴鳧飛鷺晚悠悠琴瑟几杖柴門幽鳴

呼何時眼前突兀見此屋獨立縹緲之飛樓

屠維大淵獻

喜羅浮屈五過訪

春風蝴蝶飛綠草南園遍知是麻姑五色裙羅浮山下曾相
見開門一笑逢故人遠來問我桃花津若非綠玉杖定跨黃
麒麟不然出入京雒一萬里何爲布素無緇塵相知樂莫樂
不用金箱圖五岳況今天地多戰爭赤城華頂風煙驚山陰
道士不得見四明狂客誰相迎由拳城南春可惜竹石如山
水千尺從此扁舟范蠡湖長歌來往裴休宅

贈顏

鼎受

桐鄉顏氏子才大最能詩往作青齊客論交游俠兒星流赭
白馬日射黃金羈不惜歸來困簞瓢樂可知

送王援入蜀省其尊人觀察庭

向晚東城下驪歌不可聽寧親遠行邁送客出郊垌去馬黃金絡離筵碧玉餅山花開古驛河柳遍長亭絕域春零雨浮槎夜挂星連天秦棧樹如日楚江萍已見投三峽曾傳役五丁飛雲橫太白丹嶂落空青蜀道難如此瞿塘險未經猿聲流暗壑鳥路入晴冥好醉臨邛酒重題劔閣銘還憑梁上月夢想對儀形

渡錢塘

渡口乘潮漾北風輕舟如馬泝江東明朝又是山陰道身在千巖萬壑中

贈蔡五十一仲光

十里湘湖水迴流入女牆君家湖水上時有落花香海月生

江寺風琴響石堂更聞多古調識曲漢中郎

梅市飲祁四居士駿佳宅同徐十五祁六分韻

舊里仙人市遙峰玉女巖牕中交浦樹檻外落風帆藥圃穿籬遠沙泉近海鹹紺園留過客黃獨斲長鏡榻下同徐穉林中對阮咸坐來殘暑退涼思入楓杉

題祁六班孫東書草堂

愛汝谿堂靜開尊乍卷帷江花平岸發山鳥過庭飛東海賦垂釣西山懷采薇一為歌白雪高調和應稀

祁六坐上逢沈五沈五配祁夫人湘君善詩

東陽年少沈休文五載相思兩地分今日謝家羣從在青綾障外更逢君

祁理孫席上口占

公子華筵醉幾迴玉簫金管夜重催他鄉信美不歸去一飲
須傾一百杯

祁六紫芝軒席上留別

長路何年別幽居此地偏石林芝草秀蘭澤荷花鮮上客且
安坐主人猶未眠不知高館裏絲竹是離筵

顯皇帝大閱圖爲吳金吾國輔賦并序

萬曆初太師張文忠公居正秉國勸駕大閱時兵部尚書吳

公允實典禁旅俾圖以傳子孫錦衣都督同知國輔尚書曾

孫也出以觀客圖長三丈餘內自宮闕外至陵寢極于沙漠

止焉繇是萊陽宋琬作賦南昌王猷定作記而彝尊作詩以述

之

神廟垂衣日江陵總百官揆文先奮武慮亂本居安殿上蕭

何履朝中貢禹冠孫通明禮樂方叔莅師干駕馭英雄在超
騰上馬驪車往看翼翼禁旅尚桓桓畫史真能事披圖得鉅
觀丹青榮顧愷宮室擬胡寬歷歷開城闕高高疊井榦虛無
凌倒影縹緲結重巒太液波還靜長楊露未乾妝樓原自鏤
圓殿不禁寒仙仗移平樂霓旌擁上蘭忽驚千騎並旋訶六
營團作氣陳金鼓前驅建玉鑾輕雲承翠蓋麗日表朱竿遂
列堂堂陣爰升將將壇小侯班四姓大閱用三單紫燕雙絲
絡花驄七寶鞍呈能羣角觝教射集星弁解飲籌無算鏡歌
曲漸闌行知塵冉冉歸想佩珊珊遠勢工尤極平原繪更難
蕭疎連板屋迢遞出峰巒百里生毫末諸陵望鬱盤薊門無
埃火函谷有泥丸元老謀猶壯諸孫手澤完錦題探篋筍湘
簞展琅玕對此成希覲因之感萬端雨煙飛蜀錦霜雪皎齊

紉賦愧王延壽謠同梁伯鸞儀章長在目珍重歲時看

飲吳生 理楨宅

吳郎愛客解千齡勸飲青絲挈玉餅落日兒童齊拍手過江
三日幾曾醒

食鮒魚

白小休論小奇珍信可珍炎天來積雪入饌總如銀稻蟹時
方早葦鱸思莫煩不知江海上幾處罷垂綸

越江詞

山圍江郭水平沙過雨輕舟泛若邪一自西施采蓮後越中
生女盡如花

題越江詞後

上虞 錢霍

翩翩公子剡川游五月山陰鏡裏舟自向花前歌妙曲若

邪溪女盡風流

曹娥廟觀渡二首

問渡要津吏沿流信楫師江空鳴社鼓風細颯靈旗遂入曹
娥廟同觀漢代碑浮江千載恨猶有弄潮兒

小小邪溪女潛來事禱祈罷歌河女坐不上越航歸 晉書夏統傳曹娥沉

後國人哀其孝義為歌河女之章 斜日明金闕涼風到錦幃還持白團扇搖動五
銖衣

土城山和錢六

江花江草滿江關浣女清歌日暮還曲罷彩雲猶未散春風
吹上土城山

原作

上虞 錢霍

西施明豔世間希此地曾經換舞衣春色不隨流水盡暮

山猶見彩雲飛

雜詩三首

滔滔東流水中有西上魚素鬚揚洪濤騰決勢有餘雲霧生
晦冥川岳助吹噓白龍未變服胡然愁豫且亮無圖南志終
返北溟居

鷄鷓本大鳥海處揚波濤何意天風來吹之入魯郊鏘鏘鐘
鼓鳴昂首思扶搖青雲鍛其翻烈風焚其巢先時方笑言後
至斯號咷

騏驥服鹽車獼猴騎土牛於心徒欲速為計苦不周白洋既
覆粟太行亦傾輶擇術昧先幾焉能獲所求

寄屈五金陵

新從白蓮社舊事紫陽君貽我羣仙詠全勝十賚文風濤揚

子渡松柏蔣陵雲共有山棲志題書報爾聞

同作

嘉興周賞青士

昭景元名族宗雷愛道流聞依靈谷住最近孝陵秋倚閣

三松樹

風香閣存陵樹三株

浮江一葉舟匡山多勝侶何日虎谿游

又

秀水徐善敬可

傳說靈均裔經秋尚未還卜居那有地縹馬定何山五岳
朝羣帝孤舟下百蠻遂令哀郢曲流轉到人間

又

秀水朱彝鑒千里

三閭文采後之子繼清標少日矜奇服空門賦大招軍容
屯朔騎風物話南朝庾信傷心地江關入望遙

八月十五夜集半邏錢

爾復

齋有懷錢四

汝霖錢四本姓何

舊識何顥宅嘉興李繩遠斯年溪亭雜樹交秋花低結子彘尊寒竹

暗抽梢屢下南州榻嘉興李良年武曾彌慚左顧庖山併攜播酒

海鹽錢爾復子湘野款出杭肴樂飲傾三爵嘉興李符分虎賓筵賦載

吹風多沉北斗繩遠雲密自西郊肅肅離鴻下彝尊栖栖獨鶴

巢穴堂驚蟋蟀良年涼牖落蟪蛄待月虛高詠爾復停杯試

解嘲小山棲隱處符悵望隔衡茅繩遠

過篴公西谿精舍懷羅浮屈五留白下

為愛精廬好海寧朱一是近修還從勝侶探嘉興屠熿闇伯連山藏磻

戶屠焯昭仲百頃漾風潭嘉興李鏡明遠暇日同看竹嘉興周質青士終

朝罷采藍嘉興繆永謀天自汀洲紫曲岸嘉興鄭珣隨始空翠入層嵐嘉興

沈進子靜聽蓮花漏彝尊幽尋燕子龕李繩遠林泉訪支遁李良年

晨夕過劉惔李符慧業知相似一是玄言試共叅曠香雲浮貝葉

焯松火照金函鏡坐起頻移榻質遲留此盞篴曾永謀漫須觀露

權珎且與薦霜柑進高興雖云洽彝尊離懷總不堪繩遠同心

方遠道良年輟釋復停驂符澤畔吟應數一是淹中臥未甘曠

飄零曾薊北焯棲泊又江南鏡赤羽紛傳檄質青鞮孰荷擔

永謀石城秋草積明瓜步夕陽合進佳訊憑誰寄彝尊端居祇

自慙繩遠西飛有孤鶴良年天末望蘇耽符

懷巖焯客嶺南

老去巖夫子辭家久不回升沉安可問時命轉堪哀尚有高

堂在曾無驛使來遙憐望鄉處日上越王臺

同曹侍郎遙和王司理士禎秋柳之作

回首秦川落照殘西風遠影對噴坑城頭霜月從今白笛裏

關山祇自寒亡國尚憐吳苑在行人只向灞陵看春來已是

傷心樹猶記青青送玉鞍

同賦

梅李 曹溶

灞陵原上百花殘，隄樹無枝感萬端。
攀折竟隨賓御盡，蕭疎轉覺道途寒。
月斜樓角藏烏起，霜落河橋駐馬看。
正值使臣歸去日，西風別酒望長安。

初秋泊錢清江

錢清江口水平堤，雲木參覃磴不齊。
川靜未聞鴻鴈度，雨昏時有鷓鴣啼。
逃名梅尉來吳市，避地梁生入會稽。
枉自含情臨北渚，秋風嫋嫋草萋萋。

飲張司理南華館題壁

南園載酒勸君歌，涼月紛紛照薜蘿。
鏡水連天八百里，張星依舊在明河。

梅市對雨遲朱不至同呂師濂祁理孫班孫分韻

得泥字

溪亭蕭瑟水雲低，積雨千山極望迷。
落葉漸看沙徑滿，寒烏偏傍女牆啼。
重來賓客仍羈旅，此去鄉關亦鼓鞮。
何事懷人坐惆悵，且拚今日醉如泥。

留別董三

離堂翦燭重燒燭，深夜他鄉說故鄉。
作客蕭條官舍下，逢君歌哭酒壚傍。
明朝分手仍南北，後會相期各渺茫。
長路烽煙驚海甸，亂山風雨暗河梁。

上章困敦

同杜濬俞汝言屈大均三處士放鶴洲探梅分韻

徑轉叢篁曲谿迴，石磴斜為園傳故相。
唐相裴休別業勝事復吾家，晚日吹山雨陰雲覆浦沙。
春風三百樹猶有未開，花

送汪進士挺游嶺南

獻歲發吳閫綠流抵建康北風吹五兩幾日上潯陽榕葉山城暗梅花驛路長回思舊游地飛夢到君傍

和曹使君憶姚州酒歌二首

姚州白酒白於泉醉客何論三百錢十月糟牀初滿注莫教焚却子猷船

曹娥江口晚潮低兩槳春船入會稽最憶黃冠鼓倒日夕陽山色鑑湖西

聞東莞查明府舅

培繼擢戶部書寄

飛來雙燕子遠自羅浮山為報神明宰青春万里還風煙辭粵嶠車馬下秦關從此相思夢無煩到百蠻

寄顧處士

有孝

東吳顧文學念爾亦窮途留客還雞黍傾心及釣屠江城三歲別書札一行無何日能相訪扁舟范蠡湖

別杜

石城烽火後孤客轉浮沉乞食來吳市為園失漢陰襄陽耆舊傳荆楚歲時心還復扁舟去淒其洛下吟

同魏周二處士集鍾

淵映

宅遲俞

汝言

不至

城隅急雨漲溪沙酒坐銅盤燭影斜有約南樓懷謝監起看江水落江花

附簡朱十

秀水

項奎東井

昨日南樓讌懷人到燭斜風前吟未足江水落江花

寇至二首

百里寒山下萑苻遠近齊探丸分赤白放溜各東西都尉金

爭摸蚩尤霧忽迷今宵聞野哭應有萬行啼

我友遭維繫空留舊竹林徒聞鞭甯越猶未釋陳琳黃犢誠難賣青氈詎可尋垂堂原有誠端不爲千金

里中王秀才訪爲寇執至營中家貧無金可贖遭害

壽姚太學齊集杜

五十白頭翁經書滿腹中畏人成小築把釣待秋風黃卷真如律清樽幸不空看君多道氣恥與萬人同

寄表弟查容

查容倜儻無與儔頻年題詩黃鶴樓一朝攜家忽西下挂席遠返荆門舟平生與予未相識相逢意氣何相投往時寒食一百五鬪雞要我東城遊東城春寒吹細雨留我南軒長夜語坐中陳光緯吳統持十數公一時傾倒相矜許呼僮將炙襄陽兒喚婢監廚大堤女盤中尚進武昌魚甕頭更出宜城

醕別來幾月不相聞聞道新詩更軼羣九日登高還落帽三秋對酒定論文由拳城西白日短寒風淒淒雪簷簷棹舟楫傳君數往來音書未得通情款妻子猶從廡下居朋簪尚遣堂中滿年來我亦善留賓千金散盡空一身不知生產緣何事仍復饑寒傍路人只今交道非疇昔論心那得同金石空手徒令壯士慚因人遠道非長策勸君有錢須愛惜楊朱岐路見不悲阮籍窮途慟何益

屈五來自白下期作山陰之游

楚調聞高唱吳航下舊京涼秋八九月招我固陵城射的仙人去籠鵝道士迎明湖凡幾曲攜手鏡中行

同作

番禺

屈大均

最恨秦淮柳長條復短條西風吹落葉一夜別南朝范蠡

湖邊客相將蕩畫橈言尋大禹穴直渡浙江潮

送屠爌重入閩

閩嶠曾游地仙歌聽未終
花源凡幾曲身入幔亭中

梅市逢魏壁

前年逢君射葉城山樓置酒懽平生淳于一石飲未醉孟公
四坐人皆驚今年逢君梅福市潦倒鹿疎已無比寒暑推移
六七年眼前貧賤猶如此悲君失意成老翁況復奔走隨西
東攬鏡不知頭盡白逢人先說耳初聾山陰祁生賢地主好
奇往往相傾許豈無上客朱用調與姜廷梧齊向高堂飯雞
黍哀絲急管何其多酒酣坐起舞婆娑魏生魏生奈爾何百
年強半成蹉跎天生汝才豈庸下何爲抱膝徒悲歌

柯山

柯亭山下路修竹暮紛紛衆壑千尋暗雙崖一徑分沙光明
草樹日氣冷江雲更憶中郎笛寥寥不可聞

送錢六霍

朱大士曾

同游白下

高詠方從月下聞佳書猶未換鵝羣一朝並馬金陵去閒殺
羊欣白練裙

同王二猷定

登種山懷古招屈五

大均

翠磴盤雲外蒼山出水隈樓從飛翼上峰引臥龍迴相宅先
謀士成功倚霸才扁舟一以去高鳥至今哀授命誰能爾知
幾不易哉古碑猶宿草春殿幾寒灰流覽窮高下川涂足溯
洄車書王會地雲物怪游臺鄉路迷吳苑賓朋得楚材清言
同謝許妙道解宗雷不分征衣薄寧愁落日催成連能就我
急爲抱琴來

雪中得內人信

河橋風雪斷歸航，遠信沉吟祇自傷。
不道比來相憶苦，虛煩錦字十三行。

古意二首

涼秋八月游子當，遠行寫心未及竟。
轅馬顧我鳴我車，駕君馬我馬，駕君車徘徊四野中。
執手且斯須，何用問遺君約。指于闐玉上有龍子蟠，下有鴛鴦宿。
繚以五色絲，青紅與碧綠。願君一分手，思我贈君時。
潛淵與皎日，信誓終不移。

嚴冬十二月飛來，雙白鵠錦字盤中詩。
中央周四角，君書我當報。我書君當開，徘徊一室中。
庶以喻中懷，何用問遺君。却月裁曾前，縫以七孔鍼。著以同功絲，青紅與碧綠。
五色絲相連，願君一置腹。思我寄君情，轆轤與車轂。
輾轉何時平。

嵩山訪屈五

草綠南園積雨餘，溪橋宛轉石門虛。
山頭白鶴遙相待，知有仙人射的居。

同宋使君游雲門山

頻年客會稽，愛茲山水幽。咫尺雲門寺，經旬不出游。
朝霞開霽色，喜見風雨收。使君高興發，要我登輕舟。
輕舟出遙汀，人語蒼清冷。流連石帆下，遂至樵風涇。
北船吹以南，南船吹以北。欲問仙人居，迢迢不可得。
仙人張射侯，乃在雲中弋。一鶴西飛來，拾矢清谿側。
鶴飛猶在沙，回流泛若邪。可憐誰家女，顏色如荷花。
新妝映碧水，一笑浣溪紗。如雲匪我思，但弄邪溪月。
裊綠蘿，煙照見清輝。發際曉衝薄，寒更衣度林樾。
鬱金蘭陵酒，酌以鸕鷀杯。一飲動一石，不覺玉山頽。
扶我上馬。

行有似乘船迴便蠟阮孚屐來登任公臺昔賢多奇懷眷此
滄洲釣至今臺下泉清風滿雲嶠蕭蕭翠竹陰隱隱哀猿嘯
猿嘯溪風生動影搖空明時從翠微半一聽鐘鼓鳴鐘聲來
何遲及此夕陽時山尋子敬宅塔訪辨才基明當凌絕頂更
讀秦皇碑

山陰送葉六變還當湖

畫舸乘風一葉輕紅亭相送客相迎最憐小史如初日不勸
離筵到五更

山陰客舍送高舍人還膠州

公子翩翩狐白裘向予長揖返膠州西陵松柏閭門柳繫馬
春風何處樓

送蔣翰林趙歸金壇

自聽驪駒唱彌令客思牽相逢纔破月惜別已殘年紅葉山
中屐翰林游雲門賦
紅葉詩三十首金沙渡口船遙憑千里夢飛度玉堂邊

萬歲通天帖歌贈王舍人作霖

千金購墨妙摹自萬歲通天年自從靖康亂人間始覩真蹟
傳百年以來藏項氏年時記得曾開視雖無烏衣四七人尚
有金輪十三字若非薛稷鍾紹京安能運腕如天成銀鈞薑
尾細豪髮懸針垂露紛縱橫表上中書勅開宴九賓咸列武
成殿題扇書裙恍再逢看朱成碧誰能辨由來神物難久留
昨日之日忽我道留題已入他人室想像空深異代愁王郎
生長山陰縣弱年通籍金閨彥贈我盈盈尺素書君家勝蹟
重相見出門瀕洞風塵多願置懷中字不磨試將射的仙人
鶴籠作山陰道士鶯

第35654号

平成 3.11.22

聖和学
園短大
図書館

928

バ

2

曝書亭集卷第四

號
 33 11 8
 學
 大
 館

趙

明
 書
 庫
 卷
 四

